

A DEO  
STABILITAM HARMONIAM  
VITÆ ET MORTIS  
IN FUNERE

Nobili Genere, oriundi, Arte Medica ceteris  
Scientijs atque Doctrinis plane excellentissimi

DOMINI 50.  
D. GEORGII  
HENRICI  
AYN

Philosoph. & Medicinæ Doctoris  
ac Thorunensium Medici suavis & prudentis

luctuoso animo

adumbrare voluit

GEORGIUS PETRUS Schulß/

Philosoph. & Medic. Doctor

nec non Prof. ordniarius.



THORVNI

Impressit Ioh. Nicol. NOBIL. SENAT. & GYMN. Typographus.



Ix ac ne vix quidem, doctissimi Viri quam diu inter se lites incepérunt ferere & opiniones adducere in controversiam, tanto fervore exacerbati sunt animi, quam ob Harmoniam præstabilitam, ut loquimur; cuius in germania divinus fuit LEIBNITZIUS auctor & doctor. Qyibus enim actus sit fatis defensor eiusdem WOLFFIUS, qui jam non terras solum sed mare etiam fama nominis sui implevit, & ne longius recedat, in Universitate Regiomontana celeberrimus FISCHERUS, neminem nisi historiæ literariæ plane experientem fugere potest. Verum enim vero non permittit instituti præsentis ratio, ut paulo altius repeatam controversiæ circumstantias & argumenta consentientium & dissentientium, multo minus Theologos laceſſendi est mihi animus, qui omnium primi quidem asperrima pericula generi humano ex hac sententia imminere docuerunt; nunquam tamen hactenus inficias ire conati sunt quod felicitas æterna ab usu & abusu sive connexione mediorum salutis dependent & fieri non possit, ut peccator in Spiritum S. apud Deum agat ævum salutariter. Veneror Iure consultos, qui facinorosos ob crimina puniunt, probos autem cives præmiis afficiunt & protegunt. Magnifico Physicos, qui ex hac Harmonia gratas & ingratas tempestates quatuor anni tempora gignere afferunt, & mechanismum macrocosmi & microcosmi defendunt. Cultu prosequor Ethicæ Doctores, quod mores hominum ex temperamentis oriundi felicitatem vel augeant vel diminuant evincentes; & brevibus ut dicam, laudibus illustro Canonem philosophorum: Posita causa, ponitur effectus. Necessarios igitur esse eventus & successus actionum humanarum licet affirmare & stabilimen eorum omniumque rerum esse voluntate: n̄ divinam non verear docere, quippe qua nihil prius neque posterius excogitari potest; non tamen homini liberum eripio arbitrium, sed Deum potius usum sacrum eiusdem & abominabilem abusum prævidisse & ideo sententiam tulisse credo non vanus, rideoque illos, qui medicorum sugillant religionem & philosophorum. Quam longe porro hæc opinio absit a fato Stoicorum, quilibet, nisi sit malevolus, cognoscere potest, & præfiscine dico, Thesin nostram de prædestinatione LEIBNITZIO & WOLFFIO dedisse occasionem sacras res civilibus, moralibus & physicis accommodandi. Quod si vero hæc non arrideant hostibus tantorum virorum vel laborantibus arrogantiae opinione; concedent tamen illi sine dubio ut afferam, nullum medicorum ignorare posse vel negare harmoniam vitæ & mortis, nec non morborum & sanitatis, nisi prorsus nesciat, quid sit medicina, & Hippocratis, Lomii, Wedelii aliorumque singulares libros de signis prognosticis in publicum protrusos nunquam legerit. Licet enim semper homines fuerint cupidissimi futura sciendi certissime, & hinc Vrim & Thummim apud Ebræos, Teraphim Chaldæorum, Astrologia Magorum, Oracula Græcorum ceteraque subsidia ignorantiae humanæ ortum traxerint; Ars nihilominus vel scientia potius medica reliquis omnibus, si excipias Vrim & Thummim, meretur ut palmas eripiat sine fuco & fallacis consuetis. Mirantur quidam quod veteres Æsculapium, Hippocratem aliosque incomparabiles medicos retulerint in numerum Deorum & divinis affecerint honoribus; omnem vero sepnerent admirationem, si perpendere vellent, quod futuros prædicere eventus posse & ad hanc notitiam se componere & alios, divinum plane sit donum. Quod quidem quemadmodum Medici accipiunt adoratum & nunquam Dei & Naturæ seu dispositionis divinæ in corpore humano & animo obliscuntur temere, sic certum est quam quod certissimum, prudenter & circumspecte gnos ros huius scientiæ viros vitam cum morte commutari non sine causis necessariis & divinitus ordinatis nequaquam fugere, illasque præscire & prædicere posse sine temeritate vel superstitione. Non est ut cœpiosius huius sententiæ veritatem comprobem; cum tunus præsens sit instar omnium testimoniorum. Facimus hoc viro Generoso, Excellentissimo & Doctissimo Domino, Domino GEORGIO HENRICO AYN Philos. & Medic. Doctori, nec non Medico Thorensum svavi atque prudenti. / Ortus erat Anno M. DC. LXXVIII. Die

XXII.

XXII. O  
germania  
Doctor e  
Das ern  
& aeri in  
andem cu  
pulchrum  
tem vale  
Vir Nobil  
(vel ut h  
ter, omni  
TICHIA.  
Præfetur  
Consulis  
salutarat  
mum Pre  
filiam Ge  
in Polonia  
theranæ r  
sericum f  
nans: DI  
rum Halb  
sus est ma  
vitatis gr  
sis filia.  
insignis v  
ut taceam  
tur & pri  
genium d  
scholis p  
ensi docti  
GROSSE  
berolinense  
vitæ conse  
nullo obl  
Lipsiæ fil  
philosoph  
Academia  
legit Doct  
SCHAME  
IMMAN  
tione clar  
tus multi  
de mirab  
Casp. Tro  
pugnantib  
De eo, q  
etiam alic  
venisset,  
diverit, M  
tum, in p  
de Gymn  
ologiæ &  
mo nexus  
cognover  
dextra fi

er se lites in-  
versiam, tan-  
moniam præ-  
fuit LEIB.  
actus sit fatis  
terras solum  
ne longius re-  
berimus FI-  
plane exper-  
fentis ratio, ut  
ta consentien-  
mhi animus,  
o ex hac sen-  
ire conati sunt  
salutis depen-  
at ævum salu-  
niunt, probos  
cos, qui ex hac  
gnere afferunt,  
altru prosequor  
ndi felicitatem  
udibus illustro  
tarios igitur es-  
stabilimen ea-  
docere, quippe  
homini libe-  
& abominabi-  
us, rideoque il-  
am longe por-  
volus, cognos-  
tione LEIBNI-  
oralibus & phy-  
s tantorum vi-  
n illi sine dubio  
rmoniam vitæ  
t, quid sit me-  
libros de signis  
im semper, ho-  
n & Thummim  
cula Græcorum  
ihilominus vel  
ummim, mere-  
r quidam quod  
dicos retulerint  
n vero sepone-  
re eventus pos-  
lonum. Quod  
nquam Dei &  
oliviscuntur te-  
umspecte gna-  
aufis necessariis  
rædicere posse  
sententiae veri-  
noniorum. Fa-  
mino, Domino  
n Medico Tho-  
LXXVIII. Die  
XXII.

XXII. Octobris Sommerfeldæ, in Silesia quæ sita est urbs, ex paretusta & in germania illustri familia Nobilium AYNER, quorum gentilitiis armis noster Doctor est quoque usus, iisdem signis, quæ in libro, cui præfixus est titulus: **Das erneuerte deutsche Wappen-Buch** fol. 125. omnium sunt exposita oculis & aeri incisa. Nec eo seclus Beatus una cum parentibus originis paternæ in eandem cum Cicerone ivit sententiam, quam declaravit in epistola ad Appium pulchrum Imp. scribens: *Quæso etiamne tu ullam Appietatem aut Lentulatatem valere apud me plus, quam ornamenta virtutis existimas?* Pater fuit Vir Nobilissimus Spectatissimusque GEORGIO HENRICUS AYN, Consul, (vel ut hic loquimur Præ-Consul) & Medicamentarius Sommersfeldensis: Mater, omnibus sui sexus & virtutum ornamenti prædicta fæmina, ANNA RUTTICHIA. Avum natus erat GEORGIUM AYN, Niebuschiorum prædiorum Præfectum, & Aviam CATHARINAM, ERASMI SCHINCKII, Senatoris [vel Consulis] Magdeburgensis optime meriti filiam. Avum, maternæ prosapiæ, salutarat FRANCISCUM RUTTICHUM, Civem & Negotiatorem Spectatissimum Providentissimumque Meserizensem; Aviam eiusdem ortus ANNAM filiam Generosi Domini ELIÆ DER MACHOVII, Illustris familiæ Makowskii in Polonia majori participis, qui vero cum in Universitatibus Saxonicas se Lutheranæ religioni consecrasset & a consanguineis catholicis neglectus esset, Mesericum se contulerat factus Consul [five Præ-Consul] huius loci & se nominans: DER MACHOVII. Proavo nomen fuit PETRI AYN, Præfecto prædiorum Halboischianorum & Kuhnauschianorum: Proaviæ, ANNÆ. Abavo usus est maternæ liniæ DAVIDE RUTTICH, Cive & Mercatore Gubenensis civitatis gravissimo: & Abavia DOROTHEA, David Redlich/ civis Gubenensis filia. Tritavus denique fuit LAVRENTIVS RUTTICH civis & mercatura insignis vir Gubenæ, & Tritavia GERTRUDA, nata Hoffmanniana; Ceteros ut taceamus generis conditores, propagatores & conservatores. Optimi igitur & prudentissimi parentes, cum animadverterent in filio hoc dilectissimo ingenium docile cupidumque discendi animum & Sommersfeldæ & Seravii in scholis publicis erudiri & nominatim GEORGIO ROESLERO rectori Soravensi doctissimo tradi curarunt. Conferens se inde Goerlicium M SAMUELEM GROSSERUM Rectorem Gymnasii & Sodalem societatis scientiarum regiæ berolinensis ex doctrina nobilem & clarum audivit assidue, quatuorque annos vitae consecravit huic magno præceptor, & quam bene de se fuerit meritus nullo oblivioni tradidit tempore, quin potius, ut gratum se præstaret, postea Lipsiæ filium Grosserum, paternæ gloriæ æmulum, privitassime & gratis omnes philosophiæ & medicinæ partes docuit. Anno M. DCC. adiit Lipsiae florentem Academiam & formatores præceptoresque scientiæ medicæ & philosophicæ legit Doctores & Professores CHRISTIANUM LUDOVICUM WELSCHIUM SCHAMBERGERUM & RIVINUM, Medicos immortalis memoriæ, nec non IMMANUELEM PROELÆUM, Stolp Pomer. Philosophiæ Magistrum eruditione clarum. Delestatu hinc elegantis Lipsiensibus omnis generis & exornatus multifariis studiis ac An. M DCC II Magister creatus, non solum præses *de mirabilis corporis non durabilis duratione* disputavit cum respondentem, Io. Casp. Træger, Freiberg. Misn. cum antea ipse functus officio respondendi impugnantibus disputationem præsidis sui & præceptoris M. Immanuelis Prælæi d. De eo, quod hominem ex parte felicem atque beatum facit, An. M DCCI. se etiam alios erudire & expolire doctrinis cœpit. Anno MDCC III. cum Halatin venisset, ut Universitatis Professores præcique medicinæ coleret, accidit, ut audiwerit, MICHAELEM BOGUSLAUM RUTTICHUM Vilnæ in Lithuania natum, in præsenti curam hic cœtus divini, sermone polonico qui utitur, agentem, & de Gymnasio & Ecclesia præclare meritum & merentem, studere ibidem Theologiæ & Philosophiæ. Ardens igitur cupiditate sciendi cohæreatne sibi proximo nexu sangvinis, illum convenit & summam voluptatem cepit ex eo, quod cognoverit se in coniectura non vanum fuisse. Quamobrem est factum, ut dextra fidem firmissimæ amicitiæ sanxiverint, & Beatus ceperit consilia anno MDCCIV.

M DCCIV. Halam migrandi & Hippocratem nostri ævi STAHLIVM audiendi. Hinc experientior factus Viennam abiit quatuorque commoratus annos in hac sede augusta LIB. BARONEM GEORGIVM FRIDERICVM de WIRTH studiis instruxit & Lipsiam comitatus est. Anno demum M DCC XVII auspicialem & solennem disputationem: *De rariis morbis* sub præsidio Illustris STAHLII defendit, ab eodem Doctor Medicinæ renuntiatus hoc ipso anno. Quibus pro meritis ornatus honoribus Lipsiam rediit, docendo & praxin exercendo medicam sibi magnam peperit famam & tandem An. M DCC XXIV. post obitum Excellentissimi Domini VOGETII Med. D. Thorunenses & Nobilitatem prussicam scire voluit, quam prudenter, circumspicte & docte restituere posset morbis oppressos. Movebatur ad hanc tentandam mutationem consiliis Viri Amplissimi Excellentissimi Doctissimi & Experientissimi Domini SIMONIS WEISSII, Consulis nostræ civitatis p. t. iudicis gravissimi, Philos. & Med. Doctoris nec non Medicis Ordin. celeberrimi, cui Beati excellentes animi dotes probe erant perspectæ & adprobatae; quibus accedebant rogationes & svationes consangvineorum Thorunensium, nominatim fratum Ruttichiorum plurimum Reverendi Mich. Boguslai & spectatissimi Francisci, Scabinatus novæ civitatis Adsefforis. Quantam hic excitavit sui admirationem eruditione multitaria, quantumque concilarint ipsi amorem & cultum fundamenta firma medicinæ iacta, humanitas politior, svavitates morum, græcæ, italicæ & galicæ lingvarum notitia exulta, poëeos utriusque delitiae nec non Musicæ, verbis vix exprimere possum, neque decet forte me lugentem amicum. Quamobrem aliis quoque relinquo, ut pluribus pietatem Beati haud infucatam & venerationem, qua nostram professebatur religionem, nec non liberalitatem erga egenos studiosos, quos sine minervali Lipsiæ & docuit & sustentavit, aliaq; testimonia fidei fructiferæ laudibus extollant. Sufficit palam fateri quod ego cum omnibus probis doleam vehementer præmaturam eius mortem & citra veritatis iacturam prædictisse febri petechiali corruptum, quo die sit satisfactus naturæ. Instare ergo fatale & ineluctabile tempus dum præsenserat, omnia quoq; præparavit die 13. Apr. ad salutarem ex hac vita discessum, confessus peccata plurimum Rev. Dn. Danieli Kœhlero, quem ecclesiasten in vet. civitate & XXIV annos inservientem Christo eiusque fidelibus Thorunii agens vitam selegerat, saepissimeq; ut verba Beati Viri repetam, appellarat senem pium & integrum vitæ, ab eodemq; S. Coenam accepit plentissime. Postea cum invisiisset eum plurimum Rever. Ruttichius, isque cum illo de rebus sacris esset locutus, lingua latina, debili quidem voce, sed fortiori animo, fidem & fiduciam Christi quæ ipsum teneret, cum admiratione præsentium declaravit, neque destitit has sanctas meditationes animo complecti & cogitatione, usq; dum die xv. huj. mens. hora v. pomeridiana, quæ ipsa utrum mox adesset? saepè interrogavit, ætatis XLIX. an. 3. mens. & 3. D. beate & placide animam reddidit Deo, a quo accepit excellentem plane: Ubi memorabile est, quod dum loquendi facultatem illi denegarat vis morbi, & percontarentur adstantes ex eo, gaudeatne cum Christo vivere æterno? palma cum palma collata fecit plausum lætabundus. Sic felix atq; triumphum agens ex molestiis vitæ harmoniam fidei & præmii cœlestis esse veram & a Deo stabilitam experitur, omniq; confusione & perturbationi rerum, temporum, personarumq; dixit vale ultimus stirpis Aynerianæ nobilis. Ceterum Vobis, Consangvinei mœstissimi, ad precor condolescens gratiam divinam, optans ex animo, velit Deus T. O. M. vos omnes et singulos, superstites Beato Doctori, quam diutissime conservare una cum familiis egregiis salvos, incolumes florentesq; rebus omnibus, addereq; annos, quibus arcana voluntas Numinis Vestrum carere iusfit, torte ut eo citius frueretur felicitate ineffabili et incomprehensibili. Ruborem enim inscutiet olim multis Christianæ religionis nomen præ se ferentibus SENECA, cum in Epist. LXX, pro modulo iudicii sui hæc aurea dixit verba: *Clementissimus portus est aliquando petendus, nunquam recusandus.* In quem si quis intra primos annos delatus est, non magis queri debet, quam qui cito navigavit. Alium enim venti signes ludunt & detinent & tranquillitatis lentissimo radio lassant, alium pertinax flatus celerrime perfert. Dab. Thorunii die sepulturæ solenni consecrato XVIII. April. Anno M DCC XXVIII.

Philos  
D

100 100  
- 112 112

EDO

4135